

焦氏易林

卷之一

欽定四庫全書

易林

PDG

周易變卦序

大凡變化象數莫逃乎易惟人之情僞最爲難知
筮者尚占憂者與處明且哲乃留其術俞巖耕
京鄙目前困蒙客有任駕蓬廬以焦辭數軸出示
俞嘗讀班史列傳及歷代名臣譜系諸家雜說之
文盛稱自夫子授易於商瞿僅餘十輩延壽經傳
於孟喜固是同時當西漢元成之間凌夷厥政先
生或出或處輒以易道上干梁王遂爲郡察舉詔
補小黃令而邑中隱伏之事皆預知其情得以寵

異蒙遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齊潔精專舉無不中而言近意遠易識難詳不可瀆蒙以爲辭費後之好事知君行者則子雲之書爲不朽矣皆聖唐會昌景虞歲

周正主白靈越之靈

王俞序

較定焦贛易林序

承議郎行秘書省校書

郎臣黃伯思所較焦延壽

易林中或字誤以快爲

映以羊爲子以喜爲嘉以

鶴爲鵲義可兩存焦延

壽者名贛梁人以好學得

辛梁王王供其資用令

極意學既成爲郡吏舉補

小黃令但有盜先知盜

遂無敢舉者考最當遷吏

民上書乞留詔許增秩

卒于小黃世人謂延壽之

法凡筮得某卦則觀其

所之卦林以占吉凶或卦

爻不動則但觀本卦林

辭爻本影有王秘者於雍

熙二年春遇異人筮得觀之賁林云東行無門西
出華山道塞於難遊子爲思之語最爲有準後之
觀者不可不辨延壽所著雖卜筮之書出於陰陽
家流然當西漢中葉去三代未遠文辭雅淡頗有
可觀覽謹錄上

雜識

東萊費直長翁曰六十四卦變占者王莽時建信天水焦延壽之所撰也夫易廣矣大矣以言乎遠則不禦以言乎邇則靜而正以言乎天地之間則備矣然易謂六十四卦也推而言之則繇說卦之所未盡故連山歸藏周易皆異詞而共卦雖三家並行猶舉一隅耳竡善於陰陽復造此以致易未見者其射存亡吉凶遇其事類則多中至於糜碎小事非其類則亦否矣竡之通達隱幾聖人之一

隅也延壽獨得隱士之說

前漢書京房字君明治易事梁人焦延壽名贛贛
貧賤好學得幸於梁王王供其資用令極意學既
成爲郡吏察舉補小黄令以伺候先知姦邪盜賊
不得發愛養吏民化行縣中舉最當遷三老官屬
上書願留贛有詔許增贛留卒於小黄贛嘗曰得
我以亡身者京生也其說畏於災變分六十卦更
直日用事以風雨寒溫候各有占驗房用之尤

精

孟康曰分卦直日之法一爻主一日六十卦爲三百六十日餘四卦震離兌坎爲方內監司之官所以用震離坎兌者是二至二分用事之日又是四時各專主之氣各卦主一日其占法各以其日觀善惡

紀驗

沙隨程迥記驗

宣和末長慶福崔相公任州日其時晏清無事思
此聖書虔誠自卜得大過卦云典冊法書藏在蘭
臺雖遭亂潰獨不遇災之遯卦辭曰坐席未溫憂
來扣門踰牆北走兵來我後脫於虎口其時卜後
十日州亂崔相公踰牆而出家族不損無事歸京
乃知此書賢人所製初雖難會後詳無不中節見
者當所敬重黃金自貴未能蒙於此書

紹興末完顏亮入寇時有人以焦贛易林筮遇解
之大壯其辭曰驕胡火形造惡作凶無所能成遂
自滅身其親切應驗如此雖天綱淳風不能過也
開闢以來惟亮可以當之延壽著書何以知後世
有亮也其漢焦延壽傳易於孟喜行事見儒林傳
中此其所著書也費直題其前曰六十四卦變又
有唐王俞序所書每卦變六十四總四千九十六
首皆爲韻語與左氏傳載鳳凰千飛和鳴鏘鏘漢
書所載大橫庚庚予爲王王之語絕相類豈古之

卜者有此等書耶

卜法用揲著或用錢揲著中用朱子之筮法可也用
錢則以三錢擲之而面為陽背為陰三而為老陰
三背為老陽老則爻陽爻陰三爻陽其未爻為本卦
既爻為爻卦乾乾爻姤即檢乾之姤辭觀之
是也凡疊爻成卦皆自下起

或振數奇為陽偶為陰四五六九為老陽老陰
爻之三四七九五自下而起本卦為大有人爻卦
為大壯是為同人之大壯休做此

習錫純

焦氏易林卷之一

漢 小黃令焦贛延壽 著

乾之第一

乾 道陟多阪胡言連蹇譁瘠且聾莫使道通請

謁不行求事無功

坤 招殃來螫害我邦國病傷手足不得安息

屯 陽孤亢極多所恨惑車傾蓋亡身常憂惶乃

得其願雌雄相從

蒙 鵠鵠鳴鳩專一無尤君子是則長受嘉福

此卦之序也
周易之序也
序也延壽名
贛字季平以
一字力字義理
有之集
此本永學之
收有在者

需 日矚足動喜如其願舉家蒙寵

訟 龍馬上山絕無水泉喉焦唇乾舌不能言

師 倉盈庾億宜種黍稷年豐歲熟民人安息一作

國家富有人民蕃息
與比之升坤之恒同

比 中夜犬吠盜在牆外神明祐助消散皆去

小畜 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與

同

名載日晶光驂駕六龍祿命徹天封爲燕王

同人子號索哺母行求食反見空窠訾我長息
大有上帝之生福祐日成修德行惠樂且安寧
謙山險難登澗中多石車馳轆擊載重傷軸擔
負差躓踣跌右足

豫禹鑿龍門通利水源東注滄海民得安從

一作

存

隨乘龍上天兩蛇爲輔踴躍雲中遊觀滄海民

樂安處

蠱 彭祖九子據德不殆南山松柏長受嘉福

臨 南山昊天刺政關身疾悲無辜背憎爲仇

觀 江河淮海天之與府衆利所聚可以饒有樂

我君子

噬嗑 堅冰黃鳥常哀悲愁不見甘粒但見藜蒿
數驚鸞鳥爲我心憂

賁 室如懸磬旣危且殆早見之上依山谷處

剝 大禹戒路蚩尤除道周匝萬里不危不殆見

其所使無所不在

復 三人爲旅俱歸北海入門上堂拜謁主母飲
勞我酒

无妄 傳言相誤非于徑路鳴鼓逐狐不知跡處
大畜 三年爭妻相逐奔馳終日不食精氣勞疲
頤 純服黃裳戴上以興德義旣生天下歸仁
大過 桀跖並處人民愁苦權兵荷糧戰於齊魯

坎 黃鳥來葉旣嫁不答念我父兄思復邦國
離 胎生孚乳長息成就充滿帝室家國昌富
咸 三人求橘反得大栗女青以富黃金百鎰

恒 東山西岳會合俱食百家送從以成恩福

遯 駝雞無距與鵠交鬪翅折目盲爲鳩所傷

大壯 卻大墻壞蠹衆木折狼虎爲政天降罪罰

高弑望夷胡亥以斃

晉 三癡俱走迷路失道惑不知歸反入患口

明夷 弓矢俱張把彈折絃九發不至道遇害患

家人 三女求夫不見復關伺候山隅長思憂歎

睽 陽早炎炎傷害禾穀穡人無食耕夫歎息

迷 騎狔逐羊不見所望徑涉虎廬亡羝失羔